

CAROLUS GRATIA DEI REX FRANCORUM ET LANGOBARDORUM AC PATRICIUS ROMANORUM 796
VIRO VENERANDO AC FRATRI CARISSIMO OFFAE REGI MERCIORUM PRESENTIS PROSPERITATIS post Apr. 18.
AC^a AETERNAE BEATITUDINIS IN CHRISTO SALUTEM.

Inter regales dignitates et sublimiores saeculi personas foederate in unanimitate
5 pacis amicitiae iura et sanctae caritatis concordiam ex intimo cordis affectu servare
multis prodesse solet. Et si inimicitiae nodos dominico precepto dissolvere iubemur,
quanto magis vincula caritatis conectere curandum est. Unde et nos, frater dilec-
tissime^{a*}, antiqui memores inter nos pacti, has vestre reverentiae litteras dirigere
curavimus, ut foedus, in radice fidei^b firmatum, floreret in fructu caritatis.

10 Relectisque^c vestre fraternitatis epistolis, quae diversis siquidem temporibus per
missorum vestrorum manus nobis delatae sunt, singulis competenter vestrae auctori-
tatis suggestionibus respondere^d satagentes, primo gratias agimus omnipotenti Deo de
catholice fidei sinceritate, quam in vestris laudabiliter invenimus paginis exaratam;
agnoscentes vos non solum terrenae patriae fortissimos^e protectores, sed etiam^f sanctae
15 fidei devotissimos esse defensores.

De peregrinis vero, qui pro amore Dei et salute animarum suarum beatorum
limina apostolorum adire desiderant, sicut olim, perdonavimus, cum pace sine omni
perturbatione ut vadant suo itinere, secum necessaria portantes^g. Sed probavimus
quosdam fraudolenter negociandi causa se intermiscere, lucra sectantes, non religioni^h
20 servientes. Si tales inter eos inveniantur, locis oportunis statuta solvant telonea.
Ceteri absoluti vadant in pace.

De negotiatoribus quoque scripsisti nobis. Quos volumus ex mandato nostro ut
protectionem et patrocinium habeant in regno nostro legitime iuxta antiquam con-
suetudinem negociandi. Et si in aliquo loco iniusta affligantur oppressione, reclament
25 se ad nos vel nostros iudices et postea piam^{h*} iubebimus iustitiam fieri. Similiter et
nostris; si aliquid sub vestraⁱ potestate iniusti patiantur, reclament se ad vestrae
equitatis iudicium; ne aliqua inter nostros alicubi oboriri^k possit perturbatio.

De Odberhto^l vero presbitero, qui de Roma rediens, pro Dei amore ut referre
solet, peregrinare volens, non vos accusare veniens, sciat dilectio vestra, quod eum
30 cum ceteris exulibus, qui timore mortis sub nostrae protectionis confugerunt alas,
Romam diregimus^m; ut sub praesentia domini apostolici^l etⁿ ill.² archiepiscopi
vestri — quo se, ut vestri innotuerunt apices, voto constrinxerunt^o — audita causa
illorum iudicaretur^p; ut, quid^q pietatis intercessio non profuit, aequitatis iudicatio^r
proficiat. Quid nobis cautius esse poterit, quam ut apostolicae auctoritatis censura
35 causam discernat, in qua aliquorum dissonat sententia?

Petras vero nigras, quas vestra flagitabat reverentia vobis diregi, veniat missus,
qui considerat, quales animus vester desideret. Et ubicumque inventi fuerint, dari
et in vehendo adiuvari libenter mandabimus^s.

Sed sicut vos de longitudine petrarum desiderium vestrum intimastis, ita et
40 nostri de prolixitate sagorum deprecantur: ut tales iubeatis fieri, quales antiquis tem-
poribus ad nos venire solebant.

^a) et A 1*, Wilk. ^{a*)} dilectissimae A 1. ^b) sequitur sit A 1. ^c) relictisque corr. manus posterior
in relectisque A 1. ^d) responde corr. manus posterior in respondere A 1. ^e) sequitur et in A 1. ^f) et
add. A 1*, Wilk. ^g) permittimus A 1*; manus posterior superscripsit A 1. ^h) religione A 1. ^{h*)} plenam
45 pro post. piam Wilk. ⁱ) nostra corr. manus posterior in vestra A 1. ^k) aboriri corr. manus posterior
in oboriri A 1, A 1*. ^l) Odberho A 1. ^m) manus posterior corr. in direximus A 1, A 1*. ⁿ) et
superscripsit manus posterior in A 1. ^o) constinxerunt corr. manus posterior in constrinxerunt A 1. ^p) iudi-
centur A 1*, Wilk. ^q) manus posterior corr. in quo A 1. ^r) sic scripsit J. pro indicatio A 1* (A 1).
^s) mandavimus A 1.

50 1) Leonis III. 2) Aethilhardi archiepiscopi Cantuariensis; v. ep. sequentem.